

國朝常州駢體文錄

國朝常州駢體文錄卷第二十一目

移華館文十二首

陽湖董基誠子說

惜舊遊賦

并敘

泣秋陽賦

并敘

邠州大佛寺碑

三水縣重修學宮碑記

陽湖縣新建主簿署廳壁記

郝篠初南遊小艸敘

書舅氏莊達甫先生春覺軒詩集後

三十六陂春水圖跋

與方彥聞書

荅友人書

至青浦縣與弟方立書

鶴夢歸來圖贊

并敘

駢二十一日

十

國朝常州駢體文錄卷第二十一目

國朝常州駢體文錄卷第二十一

移華館文

陽湖董基誠子誥

惜舊遊賦

并敘

長安雷次漁所居有荔芳圃植襍花百株園紅補樓崇碧
疊障巾屐偶愒曠如絕塵亦勝懷所志也蕭居渺惟輒動
遐慨追眷維昔乃爲賦云

亂費兮秋凋翦靈蕪兮鬱寥玄露翳兮戢流曜絳英腓兮
伺迅飈悵之子兮已別橋秦關兮雙嶢爾乃瑟廊屨而沿
級跋歆斜展蒙密繹重藉而騁妍紆纖支而呈說排玉房
而飛采掩石屏而鏡光乍艷赫以霞綺亦飭昧而雲襄颺
姓旭而潛穎曜夕儀而敷章紛往思之嬋娟重子情之慨
慷孤櫓欲夕遙汀未波涼蔕交砌哀禽搶柯悵陳芳於鍛

景屬絲緒而申歌歌日攀杜蘅今日算隔芳徽兮延竚桂
樨蓀橈兮惜潺湲之難渡重日美人去兮行夷猶湘江秋
兮湘水悠報瑤華兮千里邇吾道兮阻脩獨消搖以容與
兮聊以盪夫離憂

泣秋陽賦并敘

粵以季秋之月旣望之辰寒飈驟號涼影初戢悲哉黍谷
吹律不能照幽都之春魯陽揮戈不能駐羲輶之轍耿弇
冠軍之歲已逾其三戴憑明經之年又涉其半長河滔滔
逝者如是流晷短短來時大難憂如之何愴可知矣況復
盡年窮愁非涼燠之可謝故鄉羈旅不關河而亦悲搏搏
之士難容張儉之家蒼蒼者天孰問靈均之壁僅此寸膏
叢茲百憂松柏雖勁戒驚風而作聲薜蘿信芳應清商而
改色淇園下榘不辨琅玕玄圃飛灰詎畱瓊玖濁涇清渭

異源同瀾白艾紫芝殊根共悴蟲欲招戶乃掘井而及泉
鹿已走鋌復震雷而破谷土之感遇盍有異焉大塊非糴
愁之所薄酒無蠲憂之用燕市擊筑先傷烈士之魂雍門
微吟大短相君之氣嗟乎長卿奇才四壁徒立季子辨士
十上不行是卽幽渺弗聞亦爲涕泣橫集者矣又況洞庭
木脫帝子之波幾時貝闕宵寒星娥之館無地常侍秋情
同茲惻愴黃門秋興無此淒其倘冀燭龍東顧更煥凌陰
星鳥南旋重迴蒼馭潛然有感乃作賦云

秋雲隔夢秋艸接煙鼉更欲動蟾采才弦香沈銀鴨談冷
金蓮烏嘒今夕鵲化誰年於是掩蘭闥而結愴倚筠籠而
凝睇夜曼曼兮未央愁耿耿兮無際縈昔感兮增歎鬱今
情兮橫涕恨百緒而千牽腸十迴而九繫爾乃江魚潮沙
塞雁東西冰漸斷隴沙清平隄灞頭紅樹關上青泥秭歸

長送秦望全迷遠復遠今遼絕怨復怨今淒其梁苑驚秋
江樓作賦長鍊誰歸飄蓬小住紅飛萋楚之華綠暗棠梨
之樹夕館流螢涼臺肩露榻臥陰蕪塵緘宿蠹吟短廡之
幽鴻悼枯河之涸鮒荒墟愴舊悲谷題銘秀金支兮同折
披玉樹兮先零莓苔月榭楊柳山庭尺波渟白宿艸番青
牀琴獨掩鄰笛重聽感蟬仙於元夜迎鶴夢於空亭牢落
羈人飄搖賤士金散燕臺簫吹吳市狗監長門蛾眉帝子
荀鐸含辛邕琴叩徵平津則劍墮龍飛隋岸則珠沈蛤死
韜楚貢之珍珠徒衡陽之杞梓河梁乍算津鼓催涼謝故
人今去去遲周道兮悵悵孤騶暝雨別浦初霜艸綠千里
山青故鄉笑題柱兮誰識嗟投筆兮何當別有朝雲戀岫
子夜當筵倒鳳捐佩驚鸞上弦花低錦葢霧溼香羈壁月
三五星郵八千柳絲短兮不堪翦蕙帶牽兮空自憐莫不

雪漣洑訴嗚咽沫羅裳屑金玟神傷推谷之吟慘暈湘流
之血幽怨誰多華年逝波偃仰且云樂慨慷當奈何聊消
搖兮容與願水浹兮山阿

邠州大佛寺碑

皇矣上帝赫日月以照臨至哉坤元翕川嶽而繇絡在天
則成象在地則成形道熙九野壹壹延泰上之年化闡八
紘廣莫構域中之極亦有棲真元綽結契神區探七寶於
金臺擷三華於紫府周京八駿摧輪縹緲之峰夏后雙龍
絕鞞崆峒之館豈若波提東度祇夜西通伊羅則遍種檀
林須達則遙成精舍昏衢火宅盡魚山廣運之場愛海情
塵俱龍樹虛求之地是則拈摩休之皮紙詎索冥筌罄宣
律之銀苗難開幽鍵邠州大佛寺者唐貞觀中鄂國公尉
遲敬德之所建也於時得一永清兼三出震閭闔飛龍之

會黑水銜符風雲雕虎之吟黃塵入夢將軍細柳新開須
曼之花都尉長松卽是貝多之樹矧復邇規西極遠翼上
都雞閭識顓頊之居鵠野系新平之治南橫溫宿作鎮名
山北走義渠平臨大夏東馮祓禱眄永安之故墟西拒阮
其景通靈之餘烈固知韓琤徹田之地早啟玄關漆沮率
土之方先登彼岸爾乃刊崖置塾盤險裁基章雲漢以綸
連羃煙霞爲丹牖雕甍絕磴虛含列岫之青激水流星曲
瀉迴廊之白花龕刻鏡靜散天香月殿雕輪新呈寶相結
璘夕曜俱騰紺碧之華若木暈暉不辨金銀之氣廣苑有
晨飛之鶴幽林無夜起之烏鐙王日馭款石室之三重師
子雷音護銅梁之九息若夫瞰邃谷瞰崇巒探竅窾而上
躋鬱神明而特起碧羅秋漲圍繡壑之芙蓉紺宇春葩景
珠旗之楊柳霜鍾奏曉寶鐸凝雲仙掌陵寒金瓶益露疏

藤繞壁工摹迦葉之書。弱筱吟風韻。入維摩之呪。會有明
叔造授柄中官薰胥。恢鹿洞之規。贅奄厠。繡臺之坐。毘耶
福舍。斷妙喜之前緣。般若慧門。昧真如之淨戒。導法流而
絕注。弛釋網以頽綱。

國家壽宇同熙神圖。闡瑞十方。動寂齊登大願之船。一性
圓通直造最初之筏。優鉢千香之偈。說極無邊曼陀五色
之繩。光融厭旦。特標望刹。載啟祥宮。摩松開禪誦之堂。薙
艸置經行之室。重樂增構承渥采於瑤光。藻井文槐擢清
莖於火齊。西山積雨。綠上平階。北澗垂虹。紅流曲檻。香旛
結蔭。牟尼繫馬之臺。鬢蓋橫空。舍衛翔鵬之殿。蜂非廬岳
自起。鑪煙祠異汾陰。常浮鼎氣。爰乃裝臨月面。景動星眸。
八平七滿之姿。千輻三輪之像。銖衣颯纒。參密諦於離塵。
金鑲銜連護慈根而不壞。百寶擁青螺之髻。雙珠通朱鳥。

之睂琉璃宛轉然阿耨之傳鐙瓔絡華嚴禮毘婆之挂錫
用是大雄建號平等殊觀芥子現須彌之圖東葉開閻浮
之境三千世界尋掌上之波斯百億由旬隱毫端之忉利
滄海則細含金粟恆河則幻數銀沙燄摩兜率諸天最上
之尊聖果伊蒲四部無遮之會豈直湘宮十級拔地嵯峨
珉谷千尋千霄尺咫已哉康熙四十二年左布政司參政
黃明率知州王世爵集議重脩迄今百二十年甲子再周
規模漸替前署知州事喬澐化國維良宰官督度倡薦紳
之夙願鳩梓匠以庀材樸斲方勤瓜期已代知州吳玉堂
宏暢無生之業更行不舍之檀涓選攸成經營勿亟始於
嘉慶十九年二月至二十年六月而工畢基誠薄遊三輔
小憫百泉聽清梵以明心熱神香而盥頂謁來初地乞種
靈根庸託寓言敬刊樂石晞雲漱雪優填避席之詞辨礫

參珉淨住信門之頌皇過夾澗合功德而常流原嶽胥居
築藩籬而永固同貞陵谷式炳丹青平皋結轍先墓錄事
之碑舊塔流鈴待勒開元之記

川城西南有開元寺亦唐貞觀中建今浮圖尙存

三水縣重修學宮碑記

代作

國家金鏡徵文王衡攷曜升胄子之牒戶守經師敷茂才
之科歲登里選是以十教同俗環林覲茲上儀三雍觀成
橫舍由其景爍國學鄉學其揆一也三水近翼上都遠控
西極膏雨流澤郇伯奠其封扶風配京幽鄉宅之邑周微
中徹夷庚四充柳谷蒲谷窳窳鬱其神明皇澗過澗泊洄
蘊其渥采鋪觀漢唐爰暨

昭代文物踵懿邇邇無與倫采采鼓篴肄南陔之笙青青子
衿下新宮之管道一皇輿之軌人飲泰初之醇唐弓三合
抗雲而節蘋蘩曾堂九成告月而儀縣蒨祁祁焉莘莘焉

蓋百七十年於茲矣義璘屢遷平城非古兩楹之祠未替
數仞之牆已窺迎年獻簫簴業夷於襍縣朋酒酌匏琖
虛於典器非都人士之恤良有司之愆與夫綏懿惇典以
印鏡聖儀者嘉會之貞也振聲崇哲以連墮來思者明德
之應也在昔魯郡作廟思王頌其緝熙兗州升堂仰琬璵
夫潭化東鄆景烈勿忘恭文南國靈光爰溯叔毅矧乃車
服禮器爲容諸生之家鍾磬音符尊琦大人之意莫不旁
憲鴻藻佑昭郅文知縣張雲龍章志貞教絜誠明禮懼開
化之漸堙戒經始其勿亟適於嘉慶十九年三月率縉紳
耆老集資重修閏六月而工畢斷度尋尺閭闔壯其宏規
陽陰隲臧春秋勛其匪懈凡夫山雲水稼之尊鳳箭蝸簣
之譜方圓辭魯之鼓蒼白莞蒲之筵昉如奕如實究實備
某陳臬茲土弼教攸司上維泮宮淑問之頌下繹甫荆祗

德之訓嘉乃有俶思與維新會拜

命東邁宅藩南交召亭之舍方移李宰之碑得建爲刊樂
石俾盛前楹亦將以潤色

隆治光闡夫元包束脩後生懋奮乎演迪也是爲記

陽湖縣新建主簿署廳壁記

代作

傳曰天有十日人有十等是知收圉至賤上劫乎卿貳君
公至貴下攷乎輿臺況一命受職蒼姬頒其儀九品中正
當塗定其秩河海澤千里而尺蠶之波不厭潤也崑崙息
九重而一成之坯不讓高也未有謂汎濫易挹遂緒之使
塞培塿可越遂緒之使平何哉流之不沃抑積之不隆乎
陽湖縣主簿者湖中吳作輔肇分釐於上都迨南蘭析封
庸永隸於新邑

武進縣故設主簿一員雍正二年
分武進地置陽湖縣遂改隸焉 歷九十

年未建公署余宰斯五載經始踰時就縣治東偏拓地十

笏築堂三楹發帑七百有奇庀工六旬而竣嘉慶十有七年歲次壬申六月丁巳也藍田故丞曾有哦松之記韓城少尉非無銘壁之詞當茲落成爰貢宿慨在昔嫫媿而降羸劉以前畫壤僅規以圻咨秩未悉乎百比保閭約有繩檢之嚴里宰鄙師有疆理之寄自殞絃日恢閭閻日遠二十八舍拱天樞一星八十一州衛神皋片土蕃宣上公都典劇鎮一介馳傳呼之而卽來尺木削符投之而卽去經制動靜之路授自中禁幽明黜陟之柄詘於法官拜節杖鉞薙一毛而必誅纍印若綬爵一士而已僭大僚第識奉己末秩益如具員夫縣有主簿古爲糾曹追胥以從簡書蒐慝以憲刑象桀黠武斷懾餘威而墮魂王侯替尊會主名而入籍以今視昔殊絕異然或一事不名或百司勿問以愉綆爲守職以勤勤爲侵官尺寸無藉邊策賢勞委蛇

取容匪敢才意錢穀會計之細豈日未知刑獄擊斷之能
誰謂不逮既無恆守亦無與聞責及鈐鍵長吏輒糾其專
罰止鞭箠豪右已訐其酷方伯連帥是焉遙臨監牧守令
抑又密偪後顧則前蹟右挈則左牽一壑百傳其徒必逃
十主九奴其室必亂奔競眊於形勢迎候倦於晨昏鈴閣
晝靜屢恆滿而不開官版襍投日垂昃而不召陵躡作勢
者瞽然坐雲讐慄希旨者媿且入地語乍脫而復咽席頻
起而不前流盼偶注謬邀寵光戰髯乍張乃已怖泣甚至
僂從賤士懼如弟昆僮昏下才締以朋好喜則弛其閑檢
怒遂羅爲是非茹悲忍辛跼跬踣步又胥徒師師勒馭失
術窮鳥靡託雖思投林饑鷹附人詎識戀主創豢尙勿之
恤福威亦胡自行抱牘直前偃蹇萬狀詣案甫退訾訾百
端恩煦慈畜則獫狁不馴理論法懲則狐鼠立散矧三金

奉薄一囊粟空北門之譴已傷東陽之居弗萑零粉在壁
棲塵在梁春歸燕而墮泥秋流螢而弔露地非三徑蓬蒿
不除宦逾十年藜苳莫給致使閭偉之彥拱袂長辭曠達
之流拒闕請絕誰爲爲之良可吁矣山陰傅君神縫外鉅
元鑑中叡無公綽之欲有孫叔之廉埃場匪嫌鉤錄勿懈
余嘉其和不毗俗簡不曠曹鵬鵬之通感起雞棲龍駭之
羣招同豚笠後有君子不承權輿我思古人亦克用勸爲
刊樂石盛之前廳凡夫領赤牒綰黃綬在此堂者尙敬爾
官亂爾政毋以塗路所局卒驗余前說也前任若干人姓
氏悉次於左

郝篠初南遊小艸敘

夫尺版所載隸方輿而已周大荒云遙積跬步而咸達使
環寓息汗漫之觀則殞絃疑隘矣拒闕絕巖壑之勝則叩

峽同廢矣然而谷汲川釣無與於采覽樵吟棹謳亦乖於
南雅若乃陵雲負奇六合橫眺登高作賦九能獨名則有
極壯夫之槩備才士之樂者焉郝君篠初世襲通德學窮
結繩竹素之思抗希乎萬卷桑弧之志先徵於四方歲在
重光協洽薄游吳越間著有南遊小艸二卷詩逾千首指
非一端要其大歸約有數境方夫峩闕旦闊流軫塵合星
橫曉而無景月墮宵而有聲紆眇百折鬱盤靈虬驚沙十
尋冥襲沈霧原艸初翦輕輪砌紅湖邨半荒叢菁圍綠蕒
麥交隴訝故園之已春菰蘆結牀棲羈夢而亦冷此一境
也北辭鄒魯南捐金焦鶴學仙而畱銘流記方而浮玉十
里五里時間花香朝陽夕陽互搖紺景石劈而瀑懸白谷
煥而落點青傑閣千尺排長風而枕虛枯僧兩三戴明霞
而迴渡拱袂捫斗間衿邊雲空宵一吟響落欄雨此一境

也海日初上江潮漸腥雲雷滌乎尺波龜龍束乎一壑駭
鯨軒沫高逾危檣長鯨鼓鬣森列飛撒激浪落日馮夷之
宮亦頽迴湍墮星海童之首欲碎靈響紛逗東西迭消景
光襟翰青紫莫辨此一境也春來湖畔盡處東風人到江
南都饒雋氣隔綺樓以選夢翦銀燭而燒愁點筆橫黛粲
花有香飛翰灑衿漬墨都暈至乃字結珠密篇披琬鐫椒
蘭之同心自馨雲霞之儷藻彌縟隻韻哦絕侑金卮而三
巡寸牋傳來圓翠褰而百諷此亦一境也漢公孫東閣留
賓陸大夫西都宴喜羣玉羅藻之府大雅環絡之場今雨
舊雨分荃贈題大山小山叢桂招隱洛下秋讌非車公不
歡梁園晚遊惟相如居右時或餞舊南浦開尊北園綠水
波而知春白雲飛而念遠參軍寄妹之書渭陽送舅之什
秦嘉報徐淑之詠山公致叔夜之牋良緣至情別本感遇

此又一境也豈知代北之驥策炎微而振嘶越南之禽陵
霜飄而頽翮華年惜其逾邁來日嗟其大難仲宣之憶吾
士登樓愴懷文通之去故鄉吟笳屑涕心之憂矣慨乎言
之蓋朔海遊倦豪氣未除江關思深壯歲早動殆可戚矣
僕十年讀書千里結客方州且躡其五巨瀆遞杭其三然
乃攜屐蓮嶽闕帝座而誰通聽濤龍門滌崑源而終闕峭
谷躡險未竟百二汴京訪故不畱十旬省君贈編縈我宿
夢爰綴之敘俾弁諸篇至其蓄韻幽妍攄古鴻列是則越
客餘戀曷吟亦助其工吳都旣成左賦猶恨其略有識知
賞非所稱云

書舅氏莊達甫先生春覺軒詩集後

凡先生所著詩八卷手定者四卷續編者四卷益以無名
氏詩都爲十卷若其刪理切心聲思結象寓載筆於長言

存主文於大雅鍾球在縣自異凡響布帛在御不求受采
與夫跬步襲古輦帆飾俗者軌轍既別亦性情各歸焉蒙
以弱齡逮承異跡進厥羣從之列勸以絕人之程南陽月
旦首數長明琅邪文章獨歸孝綽廿年乞太傅之墅五字
愛惠連之詩每當星晚爵行春寒銍地墊雨之巾微脫落
葉之牀半欹鏡影髮而生霜劍澤首而警露輒掩卷相顧
日吾殆衰矣編審之事其累我甥乎於虜風雲駸駸色笑
晏晏而隅坐之燭未執於易簣夏屋之版已鞠於陳根山
庭楊柳無復夜飛之烏華表蒿萊獨下秋宵之鶴溜陰鑿
楹之書尙貽乎再世范陽知己之傳重慨乎平生保此一
編靳與終古又況梁蔭已餓人倫曷歸先民有作待刊有
道之碑來者云誰空誦靈光之賦中心怒擣不任愼然

三十六陂春水圖者明嘉靖中仁和金公賢署高郵知州時所作也方夫隄防日隳潘渚罕備平阿甃社弛提闕之禁石梁秦蘭昧醺注之利公審地推岸置門節流塲十二之澄伐三谷之石舉長焚以恬波下隄柱以洩滯又復築洪澤排康濟鍾水豐物漕軌徹其蓄壅亭瀾瀆田神腴視其通演雖蜀郡離堆之陂熒陽沈菜之堰淮南謝公之埭晉江尚書之塘鴻稱愁勞方斯蔑矣公膺山甫之德美召杜之化初領劇郡屢刺方州吳會策夫榮名秦里覃其閭澤其致治也徹鉤距於堂階振頽綱於次舍肅秋霜於叢棘煦冬日於枯荻采輿人之謗謠通邇理以宣化用能察燭省爽布濩豈弟井竿安而業興榆籐輦而生殖所施之政百年而不敝既往之思一日而不忘昔浚儀圖畫共仰陸雲桐鄉奉嘗獨爭朱邑子香畱題於江介樂公立社於

燕齊竝飫德在心道善盈耳矧公恤隱除慝灑沈澹災納
隍之軫怒如重飢剔鬢之澤縣及奕禩迭緬遺愛尤光往
烈哉九世孫內閣中書應麟既論撰家傳景燦前猷復出
是圖屬跋其後基誠透遲淮海溯沿邗溝慕田叔之淳風
識文翁之上治扶風亭長爲言焚舍之棠杜陵男子泣聽
統如之鼓每欲述講德之論銘樊惠之渠小文自慚景行
眇覲獲徵寶繪永貽遐徵河隄謁者宜刊王誨之碑鄴城
賢令爲第史起之頌庶使豐規不愆來哲用勸也

與方彥聞書

彥聞足下歲序欲遷幽人先覺闔門窮居累廢旬日獨夜
祛寐雞聲膠階陵晨發書鼠跡三兩葡寂自喻笑言誰歡
榮阿憂思當正相類居近北郭日光滋寒丹曦披林霜皚
如雪離離作華當午餘白高梧過屋葉旣凋盡風起而地

條能作聲時復窺戶見月輒喜迴睇隻景乃自傷悼亟遁
入室幽然一燈青熒裴回益墮遐想十步之外動蹟榛莽
一息之內遞番陽秋倫好詎婢僕匿笑誠足悲歎不可
說也昨醺薄酒擁被僵臥竟慮恹恹夢登於天霞飛屨輕
風厲目賊星小於卵攬不盈握雲平於楮厚不逾寸更上
直視天關肅開龍吟驚霆虎蹴裂膽上將關闕鉤袂欲搏
雄神彎弧斂手卽射臨睨六合悄乎憂人蠆垤累累衡廬
東西螟巢啾啾蠢動什伍培塿崇嶽潢污百川烟沈睨開
點列危堞稍復眩轉乍障氛霧周流旁皇神失常舍忽又
竦躍翩若墮翼嘯烏一聲遽然悚悟瞳目四視姓瞰微微
一再以思心骨俱戰嗟乎塵世似海入之卽濡孱軀如毛
持之不定況壽非金石應時終流質異松柏望秋當落璧
甃今日偏期未來冥冥彼蒼豈云可問涼燠幾閱已無此

人千秋之謀何苦不早扶風傭書投筆非棘我身之生知有定遠乎金自躍治俗憎不祥鼓非叩桐響懼終闕不有足下鄙懷如何窮陰戒時爲道自愛勉求脩名幸勛光采
荅友人書

三月三日基誠白比維動履勝常眠食無恙造述鼎美蒐討勤富彥昇經笥永和書城靡足羨也昨者不遺辱荷枉示慰喻之篤藻慮之密溫若嘘露爛如流曦披觀再周忻悚交抱夫道有齊軌薰蕕契如椒蘭惜有殊致几席曠於楚越是以涉衡岱者難以躡培塿導溟渤者難以問涇沚經韶餘會雅鄭特殊其操纂組同工朱紫各辨其采合抱之璞不施構榱徑尺之寶愧飾珎瑀物從其類人擬於倫流品之別斷可覈矣夫絳衣約教日行日文玉版升書日道日藝苟資儒臬莫踰兩途詎悟咎徒沿滋十失汨逐塵

鄙焚鴛庸近守俗尙如桎梏儼陳編以揣摩越代而上盡
皇媧之無稽一經之餘悉宛委之難辨飲鼠之量測不踰
勺巢螟之睫燭不盈寸雖青紫其鞅佩實黝漆其神明其
失一也蠅營聲氣蠅慕彬雅竊浮譽爲保障託勝流爲附
庸一字吟絕已庫風騷五言哦成遂詔蘇李述德抒咏貢
袁楊之門乞人裁牋行許史之第謬主詞玷抗邀賓榮芳
華一收零落俱盡其失一也見域鄉曲妄參評謨識周戶
庭遽闕時變薄文章而談經濟捐法律而泥詩書膠柱鼓
瑟徵宮詎融戴盆望天芒艾莫測發策駕儀衍握牘慙吏
胥疏効痛哭何知治安書名至言不辨秦漢其失一也迂
論誣聖抗袞稱儒范飛冠而恆嵯蟻紆步而頻折牀第晏
晏諷關雎一章几筵盈盈行燕禮百拜以敦古處幾亦物
祇其失一也百牢之味越宿而不珍千金之裘觸暑而詎

御蓋時會無並揆卽沿襲有異宜如躋昔違今局前蔑後懷葛艸昧則虞裳亦乖辛陽讓賢則姒統亦閏人近古而入聖世方來而益漓瑚璉可賤當仍上陶皋應可顏忽改編僅其失一也涼燠僭序在時爲災中和易宜於世惟戾徒脫檢以作達將蹈瑕而喪生次公入座方醒亦狂漁陽弄輦三謁輒厲瘼矜豈第嗔日山膏亦知詈人又或幽渺自悼牢愁無端若未秋而泣凋槿纔朝而告謝曷豈思越乃耽哀吟非不囚秦預成孤憤蒿竹無歛愉之響爨桐有懊吟之音惡云達懷多恐滅性其失一也若夫聖作哲述微烈俱芬彌質褊文條榦咸邕不審中轍亦叢弊端或探襲險與張皇詭譎雲亭奇字三寫而益訛龍威素書尺蠶而逾寶軒典義策汲冢同誣乙竿丁觚贗鼎貽詐其失一也膏肓墨守箴石靈瘳帝虎魯魚章句必核編纂則近典

會鈎校則如簿書曰若稽古釋者二萬言大哉乾元訟者三百輩張喙鼓舌逞爲鑿空之談窮年畢精彌滋蔑古之懼隻字未晰闔棺亦慚覃思已疲勤學則拙其失一也復有義主立言旨存返璞規渾遠以申誼析藻飾以謝華賦餅滋陋轉嗤陵雲艸玄未成亦悔篆刻謂若古有訓勿矜侈觀謂儒林丈人勿事文藝虎豹畱萸何殊犬羊麀鳳匿采孰審鑒雉其失一也被綺繡者遺麻枲之功厭甘脆者卻苾稗之薦秋實先撥春華獨剪縈采等墨豬之嫌務博貽疥賂之謂漁色三百究慙綠衣選犀億千猶屈白戰連狝鮮據瓊琦奚爲其失一也至於人倫鑒裁晰剖何易一孔自曉五惑緣生彼玉徽金銑拙目瞠迷折楊皇琴下里嗑笑郢客不識眞鳳葉公特好似龍此一惑也翹盼遐矚遺倫絕羣問龍伯之境專車侏儒過顯斯之鄉扛鼎瘠廢

又一惑也慶蚋作賦託相如而得名雕龍著書謁休文而
 大重洩臧否於時譽徇激揚於貴游又一惑也挾一隅之
 見存求備之思上第董相策長沙以天人授簡仲宣責孔
 璋以辭賦又一惑也契分疏戚視爲瑕瑜毀譽重輕施爲
 報復羊左夙誼咳唾亦恩殷劉世仇排擠必力又一惑也
 綜此十失重以五惑大雅永益徂寂瞽才日方競鳴大地
 廓廓蕭寥如斯深山木豕豈云闕絕努力請設公叔之所
 賦詩裏足長驚孝標之所著論撫此身世將何去從哉昔
 嘗躋太華馮中密俯方州於點眸攬羣彙於一瞬長壑橫
 帶流日夕而窺迴荒括交阡弔冥漠而作謠去日已去來
 時未來詎生其間乃得吾輩知我愛我不詳誰何今人古
 人同此面目汎治產萬頃容腹一升菰居百楹息景七尺
 蹙蹙俱盡營營何求所以墨跡未舍更爭箸鞭義輅不居

亟戒炳燭者方冀五百年後尙結冥知三不朽中希聲太
上特未識遺集盈篋覆某氏之紙崇邱一碑墮伊誰之淚
百柯亭之竹靚知音而効材豐山之鍾協清節以呈響鑒
納覲縷是期同岑弱弟入關尙滯音耗此子幼絕聰悟卽
其所就斐然可裁饑來驅人曠此歲月如何如何君客浙
右我居江東長流百盤尺鯉可達念我引領寵之德音炎
風來時冀展良覲相見尙遠眷懷彌勞辭不宣心萬萬自
愛基誠白

至青浦縣與弟方立書

星昴南指客騶北旋居財狹辰復理征棹時炎景初散驚
飈乍號沙汀不波霜葉全脫僵臥蝟縮哀思唧吟煮冰餐
寒枕流潏夢不二百里舟行益艱風引欲上潮落欲下作
力逆輓屹如移山一夫百呼寸步尺晷設復脫去駛追流

星中心搖搖倦不成寐悵別念遠勞心如何江月下弦始
達青浦縣當郡衡水陸直進無重關複圍之限無經日累
宿之勞歎江飲湖腋吳肘越在昔周季置長水縣始皇東
巡望有王氣斲掘淫洩踵名由拳乃知龍虎騰采未驗於
天象斗牛燭精先妨乎地脈長圖壯思卹爾息矣自縣而
西是爲長泖圓泖緣其旁大泖泄其後極眺無岸下臨有
天抱雲十圍帶虹雙市品殖紛衍難可紀數菰蒲栖煙葭
芡落雪清鯁濁鮒晨鳧夕雁殊性各樂是焉浮游仲秋旣
望迎濤湖頭雷雨盪於空霄鼃鼃竄於尺壑泫泫汨汨如
震如怒詭掣六龍迅瞥孤隼注流矢激閃電顛峩崖裂虛
谷覽不亭矚神不注形玄沙爲之聚飛怪石爲之怖立指
顧倏忽迴光偃靈滌汔乎新涇遺恍乎申浦解會往復厭
隄就夷素精內涵激景四徹倒瀾寫青勃陽墮黑來莫揜

其始去其躡其輓也東南排九峰景亦清麗曰鳳皇曰庫
公曰奈日辰日辭日簫日澱日盧日箕負奇矜雄互相軒
輒而其尤者歸之奈山穹隆百尋袤延九里石闕雙峙守
之神罷幽靈去來間以一綫花氣叢翠巖光蔚藍赤霞飛
來滉盪莫辨中有與宇翼臨招提結域中之眞棲拓塵表
之別構傑閣翳景危樓陵虛環巒障之時露一角望舒西
曜都成金銀若其東開但見紺碧均足開朗神慮灑練煩
垢也及其覲海門之陽候學潭之月惛鍾山之樹徙孔宅
之梅訪香亭雪亭之遺擷蓮湖瓢湖之勝攷之有竟歷之
又靡窮也若乃遜抗之所發迹機雲之所流譽季鷹彥先
之所超逝愷之野王之所棲止長睇遙慨裴回移辰鬱陶
在心顙仰滿目瑣瑣一世滔滔千秋今人古人曠面絕軌
抑又思之火齊之孕清淵吐華夜光之產太璞含潤昔嘗

陵大河跨喬嶽軼鄒魯極雍涼天圓地方不盡一瞬斷蹀
鍛翮遭延此都川靈山其何以處我亦欲使數君子者申
易代之冥契感寓公之嗣音也孤館困寂殆難爲懷聊攄
遐思兼述新睹意緒糾繆不詳所云相見有期縣企不旣
鶴夢歸來圖贊并敘

鶴夢歸來圖者吾友方君彥聞悼亡之所作也流碧交砌
霏紅繞廊傑閣橫路繫春陽而不暉叢臺亘雲冑秋蕪而
誰翦殘鏡無景空牀有塵琴絕絃而尙陳燭滋淚而欲焚
擘練橫丈悲抽獨繭之絲潑墨盈斗疑暈夜鵲之血悠恨
靡釋中神永傷然乃圍幄嫺佩新宮怨其來遲宵殷參闕
後庭冀其幽覲高唐之雨初歇洛浦之珠復還斜日短短
隔神光而裴回午花陰陰流香澤以杳靄石細落潤褰羅
點青煙沈露溥鬢翼疑沐今夕何夕魂歸未歸鶴辭市而

已仙誰非橋而亦渡夫萬枿代謝收舜其而先零百年誰
期豈蒨梗之可合況皓魄舒曜已愴黃昏逝川駛波瞬息
東注愉戚幾易更非此生居諸不畱遑逆來日乃知少府
之誓不娶南華之悟無形揆匪一也彥聞旣成斯圖乞係
之贊爰敘以廣其意云

朗月嫌晝白雲在天是邪非邪靈兮其仙江浦之佩秦樓
之簫靈兮歸來秋澌夕寥寒檠訝晨高杪迎曙流颺有聲
幽夢何處

國朝常州駢體文錄卷第二十二目

蘭石齋文二十首

陽湖董而誠方立

西嶽華山神廟賦

并敘

望千里賦

并敘

對燭賦

傷逝賦

并敘

武功縣后稷廟碑

興平縣馬嵬堡唐貴妃楊氏墓碑

五十三家厯術敘

長安縣志敘傳

送洪右甫敘

方彥聞鶴夢歸來圖敘

雲溪樂府敘

華蓀館詞敘

石鼓文跋

書春覺軒詩集後

書陳丹崖畫冊後

與方彥聞書

荅方彥聞書

與楊紹起書

遊牛頭山記

林太孺人誄

國朝常州駢體文錄卷第二十二目

國朝常州駢體文錄卷第二十一

蘭石齋文

陽湖董祐誠方立

西嶽華山神廟賦 并敘

華山者招拒之下都顯紀之時囿以雲陽局陰擎察萬物
雲飛雨濺汜布上下靈示焄蒿權輿生民故有熊會其羣
神姚媯覲其西后夏經嬰以珪璧周禮祀以兵舞其廟制
鳥奕萌祗有漢世歷千祀響格弗隳蓋以憲章元穆奠軌
星宿終始四九金德之統余馮軾西征謁禮其下見夫層
構巖崩幽宮旭卉目眙神詭震澹永日爰託篇翰爲之賦
云

伊大化之埏埴息一無於二氣圓精運而上霸方祗搏而
下墜寓神皋於弇州配少陰以執契鬱華嶽之靈圉秩西

宅而司厲于時白臧受謝神該効律萬物芸黃其華駢黯
其實乃崇明禋報本反始百犧百瑜或縣或展書有望秩
之典禮有生殖之祀盛致美之敬恭疏爽基以卜時爾其
畛域則參井之交兩戒是經旗旂散其華鉞質寓其靈封
狼敦圉而睽陽朱鳥頡頏而辟獬東有峭崿重險黃巷之
隘詰屈偃仄穹隆堂防出坎入窅一陰一陽西則廣遠高
陸邈迤洞達八期九遠方軌轆轤駟喬輕騫驛勞輻輳南
則崇山巖嶭結霓隱天重甌累隔曲岬宛壇率虺屬其誦
樓詭連掣爾上徵句胡蠹援巨蹠盤踞矍陽紛戲夫容菑
蒼薺薺猗猗日月繫其房的枋北斗而爲茄北則洪河湯
湯太白所都滓渭潯洛異源同輸礧錯礧礧疏薄墳壇溫
汾潦湔規轉萬趨擎厓蹈堆瀝湏澎淖孫紆厥躍雷訇火
沸灝漾冲融羈駮潰瀆蹠蹠寸卻奔溜踵至濛濛駸駸天

滿無外爾乃審曲面勢構極甄三遐陸博覽萬象一含故
觀其郭郭之制則亭亭若若隱隱麟麟岩峿嶢嶢嶢嶢
岫睥睨密比擬華洪紛菑蚤肉而不齟呴牙抱而成輪增
盤層高靡迤澶沔螽旋蝸縣倨角作銑霽然風折宛爾雲
轉上則角樓崔嵬坳坳坳坳積葦二四八六環已共戍疊累重
益外互駢填上下刻階東西提延陽烏運于清宸見旃羽
之翱翔平眺頻矚無地有天如閭風之干北辰鼓鐘之衛
帝館也乃憲紫宮太室匡衛十二以爲祕宮承龍心於明
堂帶壁壘於上墉高閣有閭闔以祝融五門竝啟蹇產鞠
崇燦闕中企流火凝冬闕素閣于皋稽幽青陽于谷風門
臺眇以岑嵎臘重陽而踞峙承駁赧于上榮颺茲悠以紅
翠五鳳秋其振翰邇霄霓以容裔樞星金城複閣重闌飾
以大朱堊以石脂鬱乎若翬飛鳥跂霍繹而紛泊又若鱗

舊齒次塢塢而參差于是陰陽壹壹羲璘回旋龍訛豹淪
旗揭旒翩樽樽晉晉連拳而爲正殷挈貳抗梁以灌漢機
槍奔雷而爛熳玄龜褊柱而鼉羸神鹿搯節而觥觥枅枅
紛糾交閱積沓莘莘總總周盤礫礫若意密而體疏終支
附而膚合馭遺風以下追軫岑累而相聶陰螭衙衙膠流
負阿明月承吻窅窅倒華髹案絳稅反蒂芴葩間以蒼藻
襍以蒹葭離實春井翕翠秋波重屋四注絲以槐相浮柱
承欒紉纏鏤鏤崎垂繭縑四極炕罟眼窻鞞鞞屈已交午
絡皮欄與方連錯鈎互于翼藪爰有牝戔牡甌蓋戴傑池
繡燭黼粲六章流離登天光于朏明曳冕延而孕奇建木
四照秀華金支琅玕璘璘翡翠葳蕤珠被齊光煥黃紛披
死軒孔翥倏眸回馳闐爾雨散隣成朝蜺瑰珍詭狀惟意
所移放恣須搖從望而迷排飛闥以仰瞰心愕怡而怫悵

神汎瀟于柴廂。憇憇而萃。隨復奄畱于芬。擗瑰稠。竅以
掣曳。攀疏櫺。以跂竚。窈窕杳其無際。降旅庭以常羊。又塊
北以靡。旣離朱。瞭而眴。昧都盧。僂而駢躡。爾乃顥靈正位
方示。敍倫崇金天之穆。皇象泰壹之威。神龍袞邃。延昭明
三辰。弁瑤光於綦會。組紉約於衿袵。精旆騷殺而裔雨葩。
瑤琴麗而莽雲威。震震以燭燭。赫獻欲其若存。五精帥摧
八神拱侍。句芒龍。乘禺彊。蛇珥蓐收。典鉞紅光所司。禺兒
祛衣以斐。越方皇。奔野而睢睢。勝師師。遼遼二八。連臂豐霞。
鼓車以夾坐。馮夷從風而爲衛。于後。迺有溫房涼館。閒宮
邃圉。鑲金綴礪。疏蘭架宇。蒼琅設門。羣以珠舞。玉女嬌悅
而遞代。金妃要眇而參伍。大帝之靈于焉興處。遂乃曾臺
嶽嶽以旁延。石磴嶮隄以上屬。嶷嶷迫側。岫案頽珥。獮爪
傾牙。宸錢覆鍍。重足累跼。匄躬扶服。跟削首剝。跪踞。觚巖。

跼灑馮岑竅詘賊悸沮汗滲漉喘絕復歎蟻卻蟬仄拾級
而登者蓋以百計迺貫倒景絕大鴻超野馬浮蟻蝶舒息
輟節掇平萬壽之宮神岳蔣蔣爛炤真靈懋會確留天絳
杳冥日夜出雲光景煒燁千變百殊晷刻歧形或雲叢牢
落匹溢駱驛微奔象逸半散邈遶太行恆山浮混碣石或
糾屈嶺密糾結鶴立左招右索摧囀翕集專專默默似有
於邑或份郁訖費景炎扈煌赫戲叛換羽旄殷芒還照濛
汜啟明銑光或神昧鬼杳霾瞠眈曖造象太極赤萌表裏
胚胎殷虺泊若下海或猗儺婉孌綽約脩嫋乍首乍背明
眇微踰忽如有思曲障迴裾或标蕤噴勃頰頰惛惛土囊
崩車渭鬱颺颺賁星賁芒魚路浪騰然後沖漠濶深收華
閼曜歸神元始臧象大幃希夷瀕洞姬母萬竅其左右則
飛閭流丹中庋仙經碧簡赤文守以六丁五千三洞洞元

上清兆朕太元延康赤明神策百二華蓋黃庭盅虛非馬
亢倉無名金虎白龍參同元英先乾蒞氣後坤反形真誥
祕符煥乎增城迺有馬明脩羊叔卿子先葛越壺公洞明
自然西河歌而嚶咷仲甫飛而蹢躅韓眾駕鹿以子蜺茅
濛馭龍而蛻儻元方鬢髮而遨嬉毛女纖纒而騰騫實列
仙之攸宇總無上於諸天于是降陞道步中唐汎眺四周
而巡回皇乃有沈泉涓澮清泠紆餘互望神之虹梁象雲
漢之荷衢翔陽浴其東界金樞浪於西隅觸賢成沼過窳
爲渠晶沙雪離鏡萍星鋪頌首頽尾謹聲唵喁外有神茶
鬱壘之殿朱索焚葦魃頭四目甲作凌遽黃父閃倏聖母
桔耕父糧靈保儻歌赫拉靈殃若乃豐碑穹崇樂石之府
與夫御香祭器省牲易服之所耽耽翼翼鵠饗祚主式禮
苾芬鼂萃振古揚推庶彙明其羣生茫端渾竟不可殫名

木則松栢樅檜貞朮守宮鼠梓虎目白桧赤桐森葦泉蓼
輪囷離奇翳椒喬檟扶疏癭魁數儘朽杈梢擢莖虺刺天
離陰閔地汭陽作鱗句羽之而聶炕藪中扇風調竿笙簞
軼茂鄧林齊蔚搏桑結根太史稟元攝提歷節揚華閱統
翹支邁奇齡於九頭何周秦與漢隨爰有陰火兔伏遊氣
成絲琥珀威喜神苗華芝燭耀乎其下鳥則舞鶴二八獨
鵠雙鵠烏鵲白鵬旦鵲晨鷗颯沓湛淡奄薄續翻算有鸚
鸞鵲離狂鵲肥鵠鬼車十翼奇鵠九頭魅伏颺行怪歌哀
謳瞽聃乎其上下竹則綠篋簞管周以楮闌扑根案節春筍
冬筠密止稽露疏中闕雲櫺參郛曲阡眠檀欒單體纖肌
冰爽霞鮮笄目空實同稱異源艸則薜蘿汜瀟離靡菰茂
帛帛布布異艸陵糅攢榮飢葉習翠菲青確扈般爚幡纒
精瑩采純緣陂爛錦被町嘘芬破鬱醅醉薰馨藥則黃精

赤苓勤母文無細辛大苦薯蕷芪胡千年之苓九節之蒲
蠲瘠辟癘泄暑調寒桐君俞跗舌爽未單果則三色之李
五沃之桃紫灰燕支緋碧縹緗來禽日結文杏沙棠猴查
燕梅擘甘罇芳若榴別房而攄丹嘉樹遊蜜而飛霜百物
蠢育形性慌芒蓋天地爲廣大也惟茲山秩其成細縕玄
黃將受厥明負反景于西海傾六幕而留精歇緒荒未開
顧隆期值九六而遵晦應五百而光飛是以商秩漢祠視
三而弁七唐宗感生而震夙明帝夢遊而悚慄秦壁返而
新墟終胡縕而莽漆肸明爽於嘉兆邈元會而若一於赫
大清啟命維新粵若

聖祖下武配京當龍飛之六七握神矩而時巡致殷薦以
精嚴儼上赫而下明謨睿慮而摘藻紀隆祥于天慶登格
皇穹榮鏡萬靈故師牧敷其光奕葉闡其業嘉瑞阜殷而

廟兒有赫也遂作頌曰巖巖崇居格嶠峴兮經宛窳寮靜
闇邃兮緼豫周張神晦藹兮蒙籠混成回元氣兮咲盼豐
融麗萬世兮

望千里賦并敘

蓋聞商飆戒途崖竅激響飛霜迎節鐘虛自鳴夫以金石
之質應時知怨秋士之感何能已焉于時蕙艸日葺露華
夜圓王孫未歸春徑謝綠帝子一去洞庭生波百芳具腓
萬感橫集楊朱路歧臨之以悲嗣宗途窮嘔焉以泣鳥飛
三市零雨急而頽巢槎刻九秋飄風迴而折檻申池焚竹
笛簫俱灰陳畱爨薪椅桐先盡隋岸田父之珠光十乘而
色駭赤堇大冶之鍛躍三百而不祥太行崔巍手非可移
曜靈隱沒杵非可倚是以方思擊筑已銷燕市之聲未聞
微吟先隕雍門之淚也加以銚芒無家佳其奚集青萍春

莠猶戀陽揚丹鳥宵行常依原艸三秋霜露寒侵遊子之
衣九日茱萸遠滯高堂之夢辰移斗柄何日南迴渭貫天
門幾回左轉潛然念遠乃爲賦云

升高墟以四望極千里兮心悲雲垂陰而作簫風急響而
鳴哀遊子百感一顧再泣具羅衣兮不溫沾錦柱兮時溼
見鴻雁之南征憶關河之紆直蘭叢日晚木葉星離霧黯
黯而如晦天盤盤而下低荒煙散兮原蕪盡白露零兮野
艸滋道尺折兮三千里腸九迴兮十二時加以桃梗長浮
萍華未遇險鉞無隅旅焚失樹秦雲則夢逐頻飛隴水則
冰漸未渡又乃有捄天畢有睨牽牛陽鳥西駐靈瀆東流
煙沈水浦泥碧山郵傷情初陽之賦橫涕荊州之樓況乃
天涯歲闌倦客衣單覩青楸之霜落識黃榆之塞寒神欲
逝兮苦遠淚欲咽兮苦酸于是背迴路闔重扉玉鉤斜而

未捲金釭凝而不輝松蕭蕭其振擗梧冉冉其辭枝倚危
欄以歎息悟年光之參差獨立兮恍惚寤求兮反側望明
河兮無梁繫匏瓜兮莫食月向曉而歛暉雞將鳴而整翼
夜耿耿以將盡兮悵盤桓其何極

對燭賦

若英乍下娥采方弦雕盤斜挂金蕩雙連景蛛屏而迴照
拂鶴榜而浮煙空心已盡密淚潛然裂繭衣於鮫渚瀉鈴
露於銅仙腸寸纏而分折恨十轉而九牽大道珠樓琲闌
綺院白騎奔星黃塵集霰春沈鸚鵡之孟香研鴛鴦之襍
吉語連錢同心半面雀膩釵挑蛾飛睂顫訝光淺於萸氈
怨更賒於銀箭西陵大去南浦長征拭羅衿兮霑臆掩玉
竿兮凝情山青燈景冰昏泣聲哀弦獨送羽帳虛明憐慄
羈心飄飄愁侶燕館讐書梁園傲庶螢弔涼河蠓吹墮雨

木瑟吟鴻梁泥落鼠薜葉下今神動晨禽膠兮聲楚狼城
沒月雁磧驚風天涯雪漬陌上花濃紈裁流素字縠迴虹
卜雙花於蓮缺悼孤景於蘭橈撫錦柱今不忍御啟玉匣
兮適爲容又乃銅雀棲魂甘泉歸魄珊佩秋遲空帷夜碧
惜帝女於姑蓑望夫君於窮石三生入夢之辰下九傷心
之夕錯朱流粉倒鳳眠龍青玉五枝之麗文芝四照之工
芑開鳩鵲爛落芙蓉豹膏冬結蜺炬春融皆陰火銷塵銅
華翠土絳蠟霞飛玄灰燐聚悲生子夜之詞涕肩江南之
賦歌曰鬱金苑裏菡萏池夜光百樹珊瑚枝區區攤薰枕
通臙倦舞衣繡華自古共一燼脈脈空明復爲誰

傷逝賦

并敘

潘子念諼好學深思綜貫六藝與余居同里昕夕遊譙究
疇類之樂不幸短命其華零隕余時客遊西安涼夜杳晦

追存婉孌俯仰增愴爰箸斯賦以寫疚心其辭曰

惟曜靈之馳謝兮辰條忽其不留逝者杳其無知兮存者日以離憂收恢台之假夏兮適皓秋之厲淫暨涼夜而不寐兮愁感舊其孰任溯已往之款實兮哀紆軫而弗禁誦斯人之風義兮雖九死其未沫襲薰潔以旗衷兮孟懿純而蹠志襲六藝以爲裳兮繡儒鞶與墨佩昌辭份其約約兮誠難虧於飭昧哀生民之軫輟兮意橫厲而自卬獨華予而申契兮謂芟茹其提芳生相見而無幾兮死願領其方長初聆君之徹瑟兮心煩冤而猶豫冀貞疾而終吉兮聊醒懷而自念路邊遡以靡際兮故鄉渺其阻深願入牖而執手兮道拳拳之素心鳳皇叱而鸞靡兮鸛鵲譖而梟驚榮薊華于中春兮耜莠芎而煬桂余固知蕙華之鬱泥兮允楸馨之誨忌亦侍萃於陰期兮何時命之促至彼王

蒸之琴榦兮尙延景于朝陽胡禺中之始嘖兮已脩夜之
不暘長太息以伏枕兮情嬋媛以憺憺魂一夕而三遷兮
起視天之蒙蒙月剗精以晃朗兮露晞藹而潛零明河監
於西隅兮室壁蠹其熒熒雲穆流而上下兮放悲君之華
儀神遑遑以馮越兮宛疇昔之容暉忽反顧以注睇兮涼
颼焱其振厲寤十是而九非兮心搏搏其若墜掩苦闔而
陳篋兮啟平生之素書忍睨視而未半兮淚究究而如濡
蟬悽鬱其咽嚙兮蟋蟀紛其互吟羈巢竊而鳴嗽分涼除
冷而自風悲人生之憂患兮胖飄南而淹北引緊索於百
慮兮又哀緣之充臆日慘悴而未已兮矧幽結于黃昏隱
蛩蛩以攷旦兮永忉怛其何垠亂日情曼兮惜愴耳嗽兮
懔懔盱望兮靡端默求兮罔象索素琴兮寡聽持尊酒兮
躊躇獨吸吸兮於邑傷千里兮江南

武功縣后稷廟碑

皇矣上帝品萬物而流形至哉坤元承大生而光化是以
亭畜毒散太極枋其運挺桐覆露皇初昌其道九變七化
燧人哲五木之用搏獸鑿井有巢啟六龍之治若乃開物
成務上哲所以首出從朔脩利後聖所以紹體百年膺錄
求黍菽於岐陽元律乘眞拜丹齡於蘭室疏鍾豐物文命
表其單平播奏庶艱隲凱肇其鮮食咸資明德援此阻饑
故茶陵審象三獻隆於鹿原寒門接靈五時逮於鴻冢烏
耘燕喋梅梁啟會稽之祠阜旂元玉金策翦東井之祀而
況思文立極配彼天而居歆率育陳常奄下土而纘緒者
乎誕惟魄寶發祥上妃卹允華館席河圖之瑞搏桑揚偕
木之光震夙載歆粵惟元子將以參鈞贊治斟元陳樞大
拯黎元昭蘇萬彙若夫青陽御厯授弓韞以行祿蒼震抗

梭汁靈威而飛響龍盤降跡感渚耀于房心姜水生民發
祕儀於角亢亦猶玉筐諡隘元邱誕桓撥之王璇極縱華
媿北毓文明之后聖人之出符也戴土食穀珍命應乎地
貞枝頤求口身律侔乎乾策覃訃表載路之聲匍匐徵克
岐之異方牙合軌履甲寅而應生也斤感祥錫庚辰而命
字聖人之昭象也在昔五行汨敘九州沈菑填星絕維逆
行於水府皞德窮運會終於淵獻膜稷盡于允迄來牟淪
于汎濫黑墳白壤皆成相桺之腥童律虞余莫嗣烈山之
統於是發災拊土第地興毗浴土冷風成畝間稼穡生荼
秀秩訛易於三時除艸附根勸芸芋于九寓緩急調其燥
溼勞息審其棘肥美禾美麥康年敘土穀之和維縻維芑
吳載饗豆登之祀聖人之熙業也暨乎蒼姬受氏朱繒啟
家化梓械于昌庭兆飛龍于埤野六旬鳴鶯詔制命于金

枝五緯聚房撰來提于赤維然而丹鳥銜穗衍農正之餘
慶天駟儀星推太祖之經緯帝車中運日辰受顓頊之維
豐水東注杜漆本魏駘之舊舟彝追享公旦頌其來雍穀
洛毀宮子晉述其始靖聖人之基命也景烈之駿若彼光
運之遠若此固宜億年服教荅胙饗于靈期六幕謳功奠
豐融于神緯詎止稷山西踰河中貽播種之居黑水南流
廣都肅歸眞之野閼宮有血東魯致其高煙天田竝祠西
京崇其大報我

大清嚴威寶命欽若元釐龍旂載祀禮保介于元辰爵弁
俵絲迓靈星於吉亥翠璋介祿富媪配平靈壇黃冠息農
先嗇通乎大蜡里禾鄙黍告旨栗于神倉黑秬黃葵上嘉
禾于衢室狼臙烏澍之鄉素莖飛瑞雞極烏丸之下綠毳
流光乾州武功縣者周室之始基有縻之故國華夏推其

爽塏神明列其冢舍北瞻幽館公劉韓琫之原前眺岐山
古公築削之地固知終隆太一精靈永眷其山阿萬歲千
秋魂魄樂思其舊宅白雲旣遠穀林拱楚伯之封蒼梧不
歸瓦窆戀鳴條之坂舊有崇祠創于明代春秋報賽兼祀
姜嫄亦如靈臺饗帝紀塊隗于三河大陵啟筮錄龔山于
太室薦升廣牡明堂右文母之尊澤冠黃蛇原廟及昭靈
之后歲月旣遷侈頽斯甚粵以乾隆某年知縣瓜爾佳君
瑪星阿新其頷臂廓彼堂基至嘉慶十七年君之子三等
侍衛喀什噶爾協辦大臣靈保重經茲土思攢前功迺與
知縣張樹勳等涓選休成雉鳩工用密石飛素宮隅渥丹
皋門有仇寢廟斯奕黃雲鍾戶似伊耆之靈扉白盛夾窗
等妣宗之世室冕旒發秀披巧利于天儀華蓋垂芝象穰
施于神稼庶使陽開陰闔萬靈拱木德之精嶽時河行振

馬二十一
古仰天官之烈乃爲銘曰

壹壺太始沈與浮清赤白旭卉玄黃洞冥雲章首期皇會
書靈磨羊迭辟犁炬聯精在昔陶唐洪流滲黷年歷四七
行窮九六魚沫稽天鰲波飛岳怒調億姓咨間五服赫矣
上聖興自高辛蒼龍表曜辰馬開禎乾行保合屯雨經綸
文謨禹命放協堯勳造區清眈均毗降爰基樹昌本迪穫
三葉突奎捐陰安地保溼嘉種誕苓烝民乃粒王猷緝熙
帝緒綰綽烈謝手足功存寧莫時晦遵養開顛於爍魚燎
升舟龜謀兆洛武功之原太白之陰宏祠切漢神圉飛岑
鳥非冰澤樹尙平林風猷蜡籥滄奏春琴巖巖新宮枚枚
靈場詆天闕景腌露抽祥玉衡通正金鏡明光式刊樂石
永配無疆

興平縣馬嵬堡唐貴妃楊氏墓碑

夫淑人告逝盛門起重璧之臺佚女時遊洛涘啟明珠之
館蓄華秋露感帝子於姑山梧野白雲降虞妃於澧浦鮪
隅陰磔元蛇衛戴午之宮谷口香陵青鳥護通靈之冢莫
不圖芳瑤冊郁烈椒塗別有武擔石鏡傳輓曲於龍歸吳
市珠襦閼豪曹於鶴舞房陵大去趙瑟秋僵軼道無歸秦
箏其咽臺傾銅雀哭總帳於三更地近玉鈎泣香塵於六
代景陽人去非復鐘聲雲殿魂棲空餘畫影固已名呼永
恨情絕三生同黃鵠之離憂墮紅羊之塵劫然未有身彰
野艸名玷璇闥獨搖樹急誰悲怨女之心精衛海遙莫亮
冤禽之志如有唐貴妃楊氏者也自昔岷山構夏有蘇殄
商浣溪沼采藥之封渝卜賁蕃椒之族露華少嬪隆漢墜
其赤符結綺臨春陳嬀燬其火祚斯則城傾婦哲家索牝
晨刻茗玉而餘瑕貽煒管而增慙南山伐竹未足書愆北

溟振波何由洒恥若乃情兼疑似語誤傳聞燕國使婢翻
蒙墮酒之筭杜陵秋胡竟被采桑之誚如妃軼事有可言
焉論者以大羊肆虐京邑崩騰三精塞于腥羶九縣沈於
鳴鏑繫茲撫禍實本女戎則是河陽出狩由狄后之無終
羌羯禍華因短青之內亂以爲妃罪夫亦何辭特是三川
咸震預覩被髮之徵九鼎俱沈先見亡秦之兆狄泉鳥出
東海鳧飛人事固乖天心亦亟故東門識嘯無救世龍之
災征北請留終荒折跋之字祿山以侯景之亡虜包元海
之禍心假愿謹于洗沐託清狂於蛙蛤黠中愚外蘊毒臧
茲知人則哲蓋云難矣且夫宮闈祕事牀第屏言事絕臣
民地縣霄漢而郢書善附虞說無稽鄰趙峽于鄭郊比鳳
桐于羊羣彈冠度索卽方朔之不良納履長安謂東陵之
善盜又況羯奴宥死白衣領軍專都督于營州兼范盧之

重鎮皆在玉真初入之年金牒未封之日乎或謂儷極失
開宸仇爽德責嶺南之味貢起浮肺之彫宮竭物曲於土
木盡人力於醉飽故使重關無勇閉之夫河上有棄師之
譟然而洋川置驛無虧隆準之名邯鄲倚瑟不慚龍據之
聖當夫先天授政稷日劬勞開延英以旁求臨勤政以兼
聽焚珠玉於三殿罷織錦於兩京然已御門樓而觀鑑命
驍衛而典樂置宜春於西內敎法曲於梨園固知周王饗
國自有耄荒之譏虞帝宅師終生倦勤之歎妃無班好辭
輦之賢昧樊姬進善之智逮乎變生龍武怨積掖庭甘隕
輕軀以綏宗社較之虜臨瓜步猶唱後庭師入晉陽尙聞
小獵詎可同年方斯等語或謂河北旣亡弘農失守瓜分
豆剖輻裂魚鱗苟萬乘之親行庶三靈之有寄而婦人儻
室竟阻庭謀夫有備無敗楚臣所爲寒心不敎而戰魯聖

於焉示戒唐自開元以後中寓嚮平青微沈寢華山戮刃
期門非組練之軍宿衛豈干城之士魚飛武庫公徒之甲
無多獻墮圍城勤王之師未集假竟豆田失律千畝輿尸
血濺御衣矢流王屋七萃之蟲沙咸化六軍之雉兔皆迷
卽成旅中興戈過授首中冀磔蚩尤之膊北荒行相柳之
尸漆莽頭於庫中然卓臍於市上而洛都卜鼎終貽戲下
之羞琅邪渡江難雪平陽之恥則妃之銜哀請命伏塊尼
行可謂情繫私家而功存君國者矣或謂冢君臨政宵小
乖心其阻撓監國之謀實搖動東宮之意未解斯言何由
騰口立宗感武惠之謠言信楊洄之讒說姜后無辜竟廢
長秋璫儲何憊遂殘宸貳庭闈之際猜忌夙深如果飛語
中宮悲噉半夜政恐黃臺再摘青楊重移龍樓有發蠱之
誣鳩里成距戶之慘彼挾雕宰相伏獵侍郎謂能託白頭

而訟冤伏青蒲而涕泣效令狐之上書爲園綺之調護者
未之間矣如以夷齊無嗣如意未生故雉經未迫於新城
鴻翼得橫於四海獨不思白沙吹烈烈頒鳩羽於離明蒼琅
應謠禍燕涎於乾索金駝納賂竟立晉王瑤光肆妒僅餘
明帝者彼何人斯復奚爲哉嗟乎齊臺沈魄蟬化何年蜀
道冤魂鵲嘯無處南飛孔雀青田之羽已雕西序金莢紅
心之艸不死九原可作不平謂何昔雲書鳳字製吳闕之
哀吟桂棟蕙楊度楚些之怨曲爰書元石永勒貞珉禁十
步之樵蘇護百年之楸隴庶使茂陵玉盃長闕於人間蘭
臺彤珥振芳於奕世

五十三家厯術敘

自昔上皇之世孟幼未分艸木互易迺定神策轉調厯大
庭軒轅逮於殷周三五之法詩書所稱略可指說靡得而

詳焉周室陵遲憲章版蕩亾告朔之禮廢疇人之職重遭
秦楚五紀崩隧漢氏初定日不暇給至於武皇始正三微
改歲首於是方士輻輳曲藝雲集追星距以定度酌月法
以積閏而晦朔分至躔離弦望之術差以周備自是以後
代自爲憲家自爲學下暨唐宋經數十易皆攷驗當代斟
劑舊傳有元承之作授時厯差平立以調進退求弧矢以
正黃赤棄積年之法立諸應之準測祇之術綦以密矣明
代大統因乎授時暨於末年門戶別出紛爭辨訟遂屬國
亾

大清龍興暑緯昭應西徼殊俗厥角獻技內設五官天文
之科外測四海經緯之變日月效期寒暑通軌蓋自太初
以來千七百四十餘年始集成於我 朝然猶 申命臺
官朝夕格署蓋天地之數若此其微也夫術士之學厥有

三蔽墨守師承毀所不見昧因造之理違澤火之義舉一遺三得五忌十其蔽一也榮今陋古拔本塞源斥射姓之司星嗤鄧平之運算是猶指三江而狹嶠流觀九河而淺積石其蔽二也中夏失官學流荒裔鳩扈補象徵之制音紐祖形聲之遺而議者必嚴內外之防屏梵回之厯其蔽三也祐誠旅食餘閒願言纂緝乃取史志所載自三統以下可撰述者五十三家凡歲實朔實之分定氣定朔之差皆敬授之大原先朝之遺憲爲比其名義課其盈虛補其散佚信其亡闕都爲十卷鉤核考互有移歲時以存先士之學俟有道之正焉爾書成爰系之敘竝列其目於左

漢志

三統術

鄧平等造

續漢志

四分術 編訃等造

晉志

漢乾象術 劉洪造

魏黃初術 韓朗造

景初術 楊偉造又見宋志

泰始術 劉智造

永和通術 王朔之造

後秦甲子元術 姜岌造

宋志

元嘉術 何承天造

大明術 祖冲之造又見隋志

魏志

涼元始術 趙攸造其用數志不著錄據開元占經所引補

正光術 張龍祥等造

興和術 李業興造

隋志

梁大同術

北齊天保術 宋景業造

甲寅元術 董峻等造

劉孝孫術

張孟賓術

周天和術 甄鸞造

大象術 馬顯等造

開皇術 張賓造

大業術 張胃元造

皇極術 劉焯造

唐志

戊寅元術

傅仁均造

麟德術

李淳風造

神龍術

南宮說造其用數志不著錄據開元占經補

開元大衍術

僧一行造

九執術

瞿曇悉達譯據開元占經補

寶應五紀術

郭獻之等造

建中正元術

徐承剛等造

長慶宣明術

徐昂造

景福崇元術

邊岡造

五代司天考

欽天術

王朴造

宋志

應天術 王處訥等造

乾元術 吳昭素造

儀天術 史序等造

崇天術 朱行古等造

明天術 周琮等造

觀天術 皇居鄭造

紀元術 姚舜輔造

統元術 陳得一造

乾道術 劉孝榮造

渚熙術 劉孝榮造

會元術 劉孝榮造

統天術 楊忠輔造

開禧術 鮑滌之等造

成天術 陳鼎造

金志

重修大明術 趙知微造

元志

授時術 許衡等造

庚午元術 郭律楚材造

明志

大統術 元統造

聖壽萬年術 鄭世子戴埴造

回回術 西域默狄納國王馬哈麻造

長安縣志敘傳

古者土訓詔地圖誦訓道方志以原地事觀方俗而形方氏掌其上下之志四方之傳道將使在上者攷物土別淑

愿爾雅於古潤澤於今以惇勸民行而咸和庶政是以國
家立之著之憲典長安自康熙以來百五十年志乘不備
政事興革之紀賢人君子孝子弟弟貞婦之行無所攷斯
土吏民將何觀焉桐城張君聰賢來尹是邦顧惟闕遺勿
敢暇逸咨於耆長僉惟敬同粵以嘉慶十有六年八月集
議重脩迺爲討論今古商榷名義規昔賢明述之旨納詩
人周爰之善鈎核整比區分絡引正其糾繆補其散亡雜
而不越歸于法度爲三十篇圖四表四志十二傳十都三
十六卷其敘曰

惟

帝建國職方受圖繩繩西夏拱辰上區分率準望經緯莫
渝蔚爾綺疊錯然星臚述疆域圖第一

司空制圖厥體有六高高下下咸覽川陸平帶虹迴翹擁

雲簇指掌百里永詔來服述山川圖弟二

之屏之翰樹德永臧式固爾猷完茲金湯述城郭圖弟三
縣鄙形體均之遂人邇綜遐編如絲伊綸保受無疆庸安
我趾述鄉鎮圖弟四

維天有漢兩戒是經山河之首鉞質寓靈同同上圖寒暑
列帶赤道弧高五十五太推其昏明以紀農事迹晷度表
弟一

抗規龍門大事作記繫之編年綜覈期備述紀事沿革表
弟二

天生蒸民樹之牧司不有君子胡綏我師累累章紐申申
佩黻當時則榮百世飄忽孰去而思孰存而渝比職屬辭
以告僕夫述職官表弟三

陽升九二羣龍見田濟濟國楨允登秀賢敷文廣華經德

秉哲如肩斯比如茅斯彙述選舉表弟四

雍州奠夏河西索商虎視龍興五成帝京考次因造經畫
井疆標厥城市提封四鄉述土地志弟一

茫茫禹跡釐下土方天門東流地肺南張哀舉原隰附之
津梁述山川志弟二

禹貢則壤厥賦中中宋置屯軍明食藩封徵急令驕鴻飛
載路鐫租子復王政以裕述田賦志弟三

巖巖神皋大帝所宅六宗四兆咲胙丕假族累施靡昭明
辟池及羣小祀亦崇靈威述祠祀志弟四

於樂辟雍世德配京亦越千載寂寥亾聲猗與

聖清孕文毓武俯張鷟鷟光被西土述學校志弟五

蔽芾甘棠召公稅焉如此傳舍亦閱歲年孰是延惕繫人
流連述衙署志弟六

遷敘貨殖固志地理兼綜民俗以著經紀述風俗志弟七
秦營朝宮漢御列仙仙都福陽亦千百年踽踽茂艸沈沈
劫灰我思古人靈沼靈臺述宮室志弟八

鵲野龍岡冢舍神明下武再世宅幽永貞白雲在天視肉
迷方煮蒿野土其歸其臧述陵墓志弟九

耆闍之宮舍衛之園震旦東陽奉行彌尊周滅象教隋崇
毘邪攷厥廢興竝及道家述寺觀志弟十

中經錄存七志著逸敘次編目署以甲乙述經籍志弟十
一

吉金玄鏐錫冊蘄壽竝紀樂石以著長久述金石志弟十

二

粟稅絲租子職亦瘁誰與父母生我畜我稷社配食桐鄉
奉嘗民實有心勿曰無良述循吏傳弟一

山川出雲時雨滲漉降神炳靈誕生英嶽自古在昔先民
有作發潛顯幽往則斯託述先賢傳第二

昔聞中山報及壺飡養士百年乃不受恩厥聲則烈厥遭
則屯下有千古昭昭昏昏述忠節傳第三

洋洋

聖謨首敦孝弟百七十年醇化烝起追惟先民式鏡閭史
述孝友傳第四

樊仲大俠有遂退風城西子夏厥聲亦隆之子如怒彼人
如充悠悠九原今誰與同述義行傳第五

蒙莊有言無爲名尸飛遞攸利貞名在斯表厥高躅遠風
來茲述逸民傳第六

株橋構櫨公輸所材一技亦錄庸庸胡爲述藝術傳第七
區明風烈揚摧柔嘉搭音允臧昭我彤華述列女傳第八

唐志眞系宋錄傳鑑惟彼二氏不沒其稱述釋老傳弟九
多識往行周咨舊聞必繩必準約守博陳匡謬正俗顯善
旌賢慎言闕疑以待後人述敘傳弟十

送洪右甫敘

龍心夕流客棹西指洪子右甫之官東湖離筵旣張執友
麴至入坐之燭跋未逾寸贈行之策積已計尺右甫直臣
之子也堂有諫笏楹承遺書忠孝載其世家文獻徵於州
郡而乃一舉鄉貢七踏金闈鬢雖玄而漸渝足未刖而已
蘭給札三館寫書十年乃得注名銓曹出宰下邑斯行也
莫不惜其棲棘慰彼折肱而蒙有贈言獨陳積感夫百里
雷震上侔乎乾象九耶星布下協夫坤輿固知四人之業
託於下體之居六合之命縣於縣令之宅西京以郎官出
宰東雒則三公賜書雖地絕承明而職同清要近代以來

斯風漸替要其積習更僕難窮監司牧守倚角而遙臨米
鹽陵雜瑣屑而必達執版白事日已肝而未通投牒請行
封經月而不下豪毛則羽檄星馳厝火通局牀卧治一齊
罷楚置喙無從十羊九牧求芻何得其不可爲者一也楚
令尹之舊政惟潤脂膏王苑陵之去官偏多家具惟此空
倉雀噪武庫魚飛已承瓜代之期便致苞荒之吝制使以
調停爲籌畫同官以徇曲作擲掄必使李爲桃僵揆因檀
斫竹木之焚旣及池魚之悔何從其不可爲者又一也臺
府供億責及廟諭郵亭望伺勞等廝養首已俯而入地足
將捷而上天以至刺促入幕之賓佐依優奉塵之輿臺山
中爰兔乃號丈人楚國綏狐亦稱使者莫不指令長爲債
帥禡葉鶴作盜糧鷹旣飽而遂颺虎不饑而猶嚇其不可
爲者又一也期會之令密逮錐刀繭絲所供嚴在圭粟雕

觚本以繩下史掾藉以犯科指東轍爲西塗續臆脛爲雁
足扼項撫背望都盧之善緣曳輿擊牛斥郵良以賤御遂
使五官爲土木之骸三尺甚燕秦之詐其不可爲者又一
也加以緇衣旣化貪泉久甘已慕釜中之羶願從海上之
臭詣曹頭搶據案心首晨希顏色似葉公之遇龍其長恣
睢等牛哀之化獸治平自譽咎沫土之民頑催科課能詡
中牟之政異蜚鴻滿野詎解哀轂燕雀集衡偏知五六乃
使扶杖之耆撫心永瘳長揖之士高拱恥伍吏治若此誰
爲爲之然而風雨如晦雞鳴不已葦蒹盈室渚蘭自芳蕭
艾在陸卷施獨勁若右甫之貞規夙植僮律兼通不揚灝
以汨流不跡跡以疏世而東湖復以西陵門戶夏口上游
巴渝荆豔俗少陽橋遜寬抗嚴尙餘遺愛他日銀手獨斷
金心自孚顧建康之清醇劉懷肅之簡惠峴山地近重刊

思德之碑桐鄉政成更續名臣之傳是亦黔元之甚幸而
吾黨之嘉榮也聊因縱酒遂放卮言江秋正高幸勉崇德
方彥聞鶴夢歸來圖敘

鶴夢歸來圖者吾友方君彥聞悼亡之所作也夫釋服見
客子荆于焉神傷望廬思人安仁自然殯涕蟬鳴漢殿盡
作離聲鳥近蜀城都含淚血殘月欲下不燭合歡之房秋
蕪尙青乃迷歸魂之館入室靡覩出門何之謂天蓋高離
離而西暗謂地蓋厚塲塲而下隊帝子大去回風拂之以
悲少君歸來中夜持之以泣傷心之事意在斯乎原夫盤
龍鏡底新系三生么鳳窗前時憐半相竝肩而宿鳥訝顧
影而潛鱗驚幰幙晝靜恨東風之來遲闌干夜開祝明月
之常滿百尺綠雨十尋游絲衫非春而亦紅袷沾墨而都
暈絮落無迹助其裁吟花香有心對此含笑方謂北山白

磬竟可蠲勞南海青鷄永成竝命豈知握椒之性以芳厲
而逾辛卷蔬之艸以心拔而竟折雙珠未剖日南之母先
枯珏玉長寒荆山之璞已碎風泠泠而入幕雲陰陰而壓
欄焦桐半死尙含變徵之聲青艸一叢卽是羅香之冢猶
望南陽鑿井水竟延齡西域通胡丹誠返魄素女之瓊旌
再起安妃之玉樹重開而乃葶管旋移金鑪不變冰巖蠶
冷何黍律之能蘇渤澥鸞歸豈薜花之久合入隧相見乃
九仞而無泉升屋長號竟三呼而不復又況千里歸輿半
椽棲壁巖關霜重古剎銍寒楊花秋白未封齊女之墳燐
火宵紅終有冤禽之哭是則明河清淺非七夕而誰填剩
粉飄零閱三年而自化天平不諒怨矣何如然而秦樓簫
吹竹尙餘音蓋山弦歌泉知赴節倘賈生之談不爽阮君
之論無徵高唐雨涸雲氣常存洛浦珠傷神光乍合斯青

春受謝元夜思歸今夕何夕佩環說其來遲是邪非邪形容想其宛在而政恐黃葉西東難尋玉盃碧雲下上幾見銀臺星娥左轉非魯戈可旋少女斜飄豈羽車能渡人間三五夜皓魄終虛天上十二時黃昏有幾鄰雞一鳴幽夢何處曉漏五下空幃蕭然涕欲咽而已沾腸未迴而早斷則斯圖之作又足生悲者也蓋邯鄲聽曲淚下十行灩澦聞蜃神迷三峽矧黃絹幼婦應表碣千貞姬白日巫陽待招魂于郢客希逸作誄故多抒怨之詞蘭成傷往亦有代人之作余故原其始終敘而貽之云爾

雲溪樂府敘

雲溪樂府者吾邑趙昧辛先生敘次鄉之遺聞軼事而各綴以詩者也傳曰一國之事繫一人之本謂之風房樂隆始基之業國史表哀思之困樹惇人倫經緯禮俗泯泯乎

不可尙已變風告終樂府斯作吳嚴梁皇物比于剛杼馮
翊蒲反節汁于律閒三唐以來厥體滋廣新安石濠之製
胡旋太行之篇杜白濫其原楊李廓其委莫不寓載筆于
絲竹發長言于袞鉞諷詠之情既深主文之義彌永達于
事變而懷其舊俗者也吾鄉延陵故封禮讓成化瑰人琦
士疊軌駢蹠而方志缺略文獻散逸大雅之材不作籍氏
之譏以章頌聲寂寥潛德淪絕志學之彥懔焉閔之夫近
士大夫厥有四蔽飛華尊俎之上逐妍投贈之末假六義
爲衡續飾四聲爲踞雉公宴行餞之作述德介眉之詞削
郭竹而未罄燔秦坑而欲窒結言所契靡問脂販之侶穆
如之誦寶獻田寶之門天枉性靈抗走塵俗祇以速其愆
尤鮮有合于懲勸其蔽一也九層之臺簣土索其積千里
之行跬步致其用迺有鯁儒耳食末學膚受同甫田之忽

近等杞園之圖遠聞二遺一識十忘五祖禰未別採三古
之歸臧閭闔昧音通八紘之結舌其蔽二也首邱之正有
生大期登岳之謠達土猶感故鳥迅羽而投林鱗勞喁而
縱壑今則一命始列半通乍縮已鄰所生于互鄉比故土
于焦石爰居止魯饗鍾鼓而不歸胡馬適秦謂芻焚之可
說曾無孔父十里之思永絕浮屠三宿之戀望墟墓而微
悲忘毛裏之安在其蔽三也生榮死悴蚩氓所爲大哀逝
川奔景志士于焉殞涕而天下熙熙目肝鼻息望銀黃而
色飛陳鍾鼎而神壯高閣閑于穹蓋炎勢灼于朝旭罕不
腹鳴仄行蟲驕螳怒噬龍比爲詭激斥閔曾爲近名及其
北首告辭西州大去輿殯在塗同貉子之委野孟弋去室
少婦人之行哭啟手啟足餘入領之珠孝子順孫無可銘
之后其蔽四也又況老成之人先落子弟之瞻靡從敖辟

之俗已中于馮生性情之原無當于風雅維桑與梓必恭
敬止將欲緝其頽綱必先昭其舊式此先生樂府所由作
歟祐誠家世食德蚤歲羈泊幸中郎典型之在感元禮通
家之知異日甄次所聞周度軼事補耆舊之傳成士女之
志遠慙昔人明述之旨庶存禮經必式之意云爾

華蓀館詞敘

夫橫塘查下圖水蒨于玳闌襄陽大隄結楓根干桂浦寶
釵桃葉影隔春江鏡檻芙蓉痕凝曉露辛夷名樹慧吉呼
禽憶舞袖于春陽寫曼聲于子夜高唐雲氣永護荆臺洛
浦神光長畱魏枕固已情均頑豔感極風懷抽婉轉于紅
蕉韻纏絲于白絮若乃邯鄲綺市大道珠樓錦窠錢窰珎
窗粉牖秦簾風曉烟暖昔邪蓮井雲流蟾鉤屈戌龍綃護
檻時飄迷迭之香窳甲開屏淡慘蘼蕪之色芬編翡翠標

架珊瑚有美一人疑情遺世賀蘭山下慣種燕支涼州曲
中曾聆笳拍金星稀歷謝吳宮之獵丹黃月開鬟學莫家
之蟬鬢蟲鈿反插寶粟連心雅髻橫盤雲梳九日桂紅半
捻披河間之玉鉤蓮印雙挑騁馭娑之翠結羅敷及笄便
事春遊盧女解愁偏工度曲諸干繡褊常圍羊侃之筵坎
侯冶聲自誤周郎之顧辛房障袖月近二分午夜曉妝花
翻一面迺有貽椒芳土贈蘭才人梔子心同蕩花潮合銅
蠶夜漏獨伺金徒朱鳥晨窗頻窺玉女于是銀犀通理瑤
虎牽絲瓊島鳳棲閨風鶴報約漸裳于三歲懺寶字于雙
環桐峯文梓如聞滄浦之弦采旌桂旗似解漢皋之佩又
況初三下九秋尾春梢楊柳當門明星爛野雲銷蛤帳宿
鳥曉紅露褪鴛衫游鱗訝綠絳河寫景碧霧悅魂誰吐篆
而葳蕤蛾飛燄而駢蒂趁雕陵之鳥誰怨海上之天雞斯

亦明明素魄難忘三五之辰娥娥粉妝時入百花之夢者
也遂乃傳膩檀牙綠情繡脫製清辭于脂盞綴麗句于香
奩調碎頗黎歌飛玉樹膠東研紙墨醉桃花趙地浣豪縹
題芍藥將毋南飛孔雀遇十里而裴回東下青禽寄三生
之永諦乎余惟夫秦箏趙瑟不廢新聲燕歌代謳無妨合
雅成都公子亦寓賦于東鄰楚國王孫復貽愁于北渚哀
錦帶之集有待昭明敘玉臺之篇終慚孝穆云爾

石鼓文跋

右趙收菴先生所藏石鼓文都三百二十六字夫介邱升
中空桑開智權天制會宗盧革故咸萌祗記注肅萃竹帛
七十二氏寂寥靡徵故寅臺閣其龍書常羊晦其穗畫覆
釜櫝其金簡社首韞其玉牒或有受甬雷鐫元鏐鐫蘇姜
泉已刀吉化錯範魏雕表神策之瑞郊東告尸臣之寶端

門赤書臨淮通其指釐冢蒼篆平陽拊其文而鍾南悠遐
岫巘混茫壇山蝕封吳墓泥表豐碑燼燔志士懔閔惟岐
陽樂石傳歷廿代唐輦鳳翔宋置中禁金遷北都元頒太
學靡不珍擬楚望耀侔晉垂

聖清同書龍轡虎炳虞膠舛張文璧於樂鴻都整觀鴈雍
世守于是戶臧寶薤人諷籀書昕夕圖究厥有三益自姬
委玉馭羸亡金鏡太師失官元音廢缺卽后孫釋故申轅
訓傳而曾孫四正鯉首無存都人首簡狐裘遂逸轡柔河
水浩魚陂麥畱等片羽重逾兼金此則車工馬同水清衛
平丙申汁吉日之用剛氏鮮證賓御之酌醴軌則六義紆
揚二雅是曰補經其益一也兩漢旣降八體斯謬皋有自
羊之文地從力乙之說市金附圖白水飾譏稀禽韓覆增
史皇之書柯檣承詔佚上蔡之製是知南閣祭酒僅守小

篆黃門侍郎虛傳玉篇此則楸兼二水吾竝五日番合狀
綰之權殿同格伯之簋直乃見繹山之刻舉拜徵義雲之
印治從尊司通乎會意射作手弓契乎象形略舉一隅冥
符三古是曰正名其益二也齊歌代謳既乖閒呂南石北
庶復歧聲韻讀爲讀若許鄭之學微正疊正到梵夷之教
顯天子聖哲矜異於江東尙書好惡詭正於河北李登聲
類法言切韻竝牽新義多汨舊章此則佳惟互借瀟潯旁
通白下增巾獨偏去犬鸞從絲首作取仁聲好駢訂皓有
之分求時考之尤之誤是曰雅音其益三也因茲三益原
該五善師行卅里時乘六馬左旛右隼執禽簡眾隳羆羆
鑒樂公寧王可以觀禮三毆勿射六師如章遼隰陰陽辨
方正位載鹵載北一候統尉可以知政嘉樹表衢霽雨覆
舟鴻師邀旂達驥康駕吳人綢緞大祝獻執可以審官員

邀昭明鑒勒式度田宮鑿齒軌轍別象鹵秀彤簇弧矢建
威可以辨器應鹿雉兔獬蜀麋豕鰓鯉鯢帛鰓鰓鯢鯢楊
柳柞械櫟櫟箬華可以博物若是者學士炫其寶而驚其
詞鯢儒艱其文而疑其義夾漈紛之於前子卿汨之於後
皆引薜附蔓刈方就員鑿智信臆昵祖祧禍嘒星微沫冀
奪明于曜靈蟻壤寸垤思涸潤於稗海不其惜歟先生既
蘊奇名山希志徑記授簡下士綴辭篇末亦將以存先民
之傳求修學之是也

書春覺軒詩集後

嘉慶二十年二月舅氏達甫莊先生遺詩十卷校竟嗚呼
謝客既壯能讀琅邪之書羊生歸來已墮州門之淚西園
之歡不復北首之夢猶酣回風往日將迷九地之魂載酒
焚香詎斂浮生之恨韓王孫之亭下知己無人秦公子之

馬前傷心何極陳書有念流涕無從祐誠年始驂駒遽升
堂室山陰割炙便預賓筵沂水風雩常依辟咎識陽元於
陋巷拔孝相於無名蔡中郎之竹冊獨授高平王寧朔之
文章偏歸阿士追惟晏旦宛爾生平秋蓬縱火先空卷施
之心長淮澗流自賈枯魚之泣西山冤禽之木塞滄海而
未窮建陽高臺之鍾不落禁而已慟哭簪大澤筮魄江南
青萍雨化難忘哲柳之星丹鳥雙飛長感黃墟之艸謂天
蓋高夢夢而左暗謂地蓋厚沈沈而下隊鮑子知我徒慨
乎歸人罕皮云亡疇與夫爲善逝者忽忽逐風雲而不還
來者營營寄笑言而無地東門鍾鼓誰明羈羽之情蓋山
弦歌永絕焦桐之聽九京不作瑣瑣者孰與歸乎若乃展
禽未諡有道誰銘湘東全德無復靈光陳畱耆舊俱先朝
露生金圓石待景伯之重刊鑿柱遺書有韓康之校錄沾

巾勞手祇重悵然

書陳丹崖畫冊後

夫再襲之室離朱收其眸盈枚之楸匠石輟其巧故以潢
汙爲居者難語瀛嶠之廣以隙積爲照者不知泰山之陰
何則境淺者心瞽神曠者識眞也陳君丹崖九州歷七四
瀆涉三清風追其足顛皓魄出其衰底爰能枕席泉石沈
痾丹青景元山水之愛便往跡求愷之緘閉之廚久卽化
去涼燠不染翰素點綴皆知姓名要其趣歸約有數境若
乃山崇隱穹谷巘絕地百尺峯嶺累之一丸之棊十丈飛
瀑縣之徑寸之峽巖欲飛去峰皆削成磴梯遠矗落日碎
而有聲土囊秋陰斜飄回而失色擲筆天外乍聞雷鳴聳
身崑顛獨見霞起躑躅五嶽耕父爲之喪形布置一石恒
星驚其隕晝此一境也濫灝湍浪廣陵怒波寒冰春青谷

煥自戰靈月午赤潮驚尚號崩澗泐狀于幅端介蚘延蜷
于軸際陽轡東拜天吳之衣盡揚金樞夕冥海童之髮欲
豎駿楫鼓雷破駁楫而齊飛鯨颿揭風入龍窟而復出此
又一境也三月春其百粵晝姓江南鶯囀灞岸柳碧墨潑
一斗紅僂四圍游絲裊其彫管香雨和其綴綠生綃三尺
方成扶荔之宮淺碧十尋卽是棠梨之館薄葉飛布華蕊
蔚羅此又一境也洛川珠佩高唐髻雲珥瑤碧之裾褰曲
瓊之組精采微授神光乍回輕袿容與始訝風起羅襪微
步時生水紋靨輔承笑羌欲語而尙含曼睭遺視若將盼
而未轉澧浦人去蘭皋徑斜疑間粲香止見月景此又一
境也然而東都畫就纔易半餐西嶽圖成僅營八口薪已
勞而不藝桐經爨而屢焦風驚震柱誰聞長缺之歌日暮
驅車終有窮途之哭祇當焚闔鐵于九關之野裂齊縑于

四達之衢謝俗士之華鑣誓柔毫以白水亦知逐貧作賦
依然解嘲之子雲投筆長嘆非獨傭書之定遠乎

與方彥間書

彥間足下離燭其地征驪晨逝索思淒風積感逝水渡江
北行土俗迥異贊菽襍飯菰蘆結牀弩襲馬蹏艸臥沙磧
訪八公之故館過清流之巖闕塵驚鳥飛石訶人立足蹀
十步時升火光樹諺百尺才見青氣自茲以西地垓天曠
淮潁千里田廬萬重水星鏡浮荇葉帶抱麥氣朝霧沆霞
亦黃楸筭夜間土岸皆紫更復從陸計逾浹辰澗都羅交
山盡拱合松柏翳景言經北邙之墟藜蒿蔽天乃曰洛陽
之苑折軸峭坂僨車宜陽函關風雨道涉黃巷時則顙月
西轉斜漢左陰壁囊無階穴邃有腹土溼腥鬱風囊哀號
巖特雜稠韞軹摩擊子夜景黑惟聞人聲姓光晝紅乍聽

霆烈越三百里言臻青門意欲奏通天賦宜春求書茂陵
讀碣驪坂而玉盃夜閉幽燐星飛銅仙秋寒鉛淚露咽鯨
膏未燼而劫灰已平矣關中肘太華股九嶷帶涇渭束灞
澹龍潭鬣尾風渡雲棧皆足驚慄心志淒感性情昔王粲
羈人嗣宗狂士登樓隕涕窮巷同車僕本恨人疇能自己
蓋山高川悠饑促渴役不自知休文之園將滅蘭成之賦
易悲也足下侍歡庭闈激慮經史俛仰委蛇誠足念樂蒙
間桐魚刻蜀樂石響泗曜靈虧天井景缺地故鵠鳬異聲
而同鳴餘蹶殊類而合處者志氣相得也晤言尙遙縑素
勿曠傾首東望山河阻深書不盡言幸勉崇德

荅方彥聞書

彥聞足下損書遠辱慰誨勤懇出入懷袖風誦再四文采
份都意情周密夫咸池在縣知北里之鼃咬狐貉當御增

微經之悽愴曜靈秀東爚火息耀金樞殷午嘒星韜明故
得書以來閱久不報恐終昧文繫同心之言違小雅求友
之義敢贖左右以布往懷僕聞絳螭登天階浮雲而挾耀
神鯤搏涌鼓洪濤而振鬐者勢有所馮也若乃黃鍾沈音
玉瑟淺柱寒蟬號秋窮鳥戒旦誰爲爲之孰令聽之僕生
二十有一年矣幼不自量輒負大志而時不我與倥偬相
迫瞻屋靡止踏地何歸今且竄跡廡下低首馬坂蕭風生
于牖庭紅塵拂其袷褻貽竊笑於臧獲偶謀食於傭奴塊
然獨坐惟形景之互荅出門同人復言笑之乖性譬之植
蘭九陵移蘭五澤遵鴻漸柯蔚豹遊市拘搨造物頽叩夢
醉夫以飄飄羈旅之士趑趄宇宙之內進退靡自竊之地
陶慍鬱由中之悵夢思櫻魂俗文填腕倆繩墨以詭時尙
乖咸韶以奏新樂削趾怡壁翦髻念髡首顙目頽神索言

餽而欲振聲廟廊高立殿陛挾策帷幄之間係纓萬里之外紀名景鍾鐫姓篆素固知難矣若夫抽金匱之軌簡繹名山之祕文睢睢盱盱上窮結繩洵洵隆隆下究倚杵馳驟六籍出入百氏成一家之言爲奕世之則區區之誠有慕于此所以終日而不倦一夜而十起者也至乃營情弋獵詭遇科第北友牡羣頡引駢望附羶釜中逐臭海上跬步偶得謂登龍門之陂援繫寸失若墜焦原之谷驅魂役夢朝舞箕擗奄隨大化同腐野艸夫人生百年罕過其厓亦安能偕視息於蚊蟻和嚶鳴于脰注哉足下高朗天情沈潛地德鉤索三古旁驚羣藝入有侍奉之樂出有倫類之歡進退委蛇俯仰可慰惟益滋令名善畜光采書詞狂瞽幸勿示人惠子知我故敢相告

與楊紹起書

紹起足下執別經歲遐眷千里恆星仰矚井絡限於天津
飄風南馳浮雲遠於吳會光景莫接輟側重勞惟侍奉清
娛素顏豐勝幸甚幸甚秦中暖氣早來淑年告朔冰嚴泮
日苔點成錢陰岸陶春等光祀雪終隆夾澗灞涘長亭綺
注方清垂絲漸稀凡在羈人能無重感矧以塵勞迫慮風
土乖宜百事振心萬憂拂性車迴歧路何處尋家人上河
梁不堪掩袂堂前擊筑已銷傭客之魂臺上引弦自竇驚
禽之羽寧止悲生紅女望極湛江昔建安才子橫涕荆樓
魏國詞人懷神漢殿亦有華陽奔命東海羈賓眞定常山
奄風波而失所河陽漳水望雲雨而長乖要皆丁元二之
災年植三州之離會方今四字繩繩八區皞皞候亭鼈犬
仁化麟騶城市蒼煙藹成卿裔而乃宛童靡寄萋楚無家
豆剖星離晨遷夕播西瞻幽館東望江關溫清廢違載移

涼燠雁臣塞上幾閱蓼風燕女幕中重經社雨自非武擔
立石鍾離廩君夜寐夙興疇能蠲念且飭霜應節尙感豐
山之鍾朔野颺颺猶動靈臺之羽眷茲物候恒移哀樂每
當嘉令應芳綺筵近葺燭地孤景酒浣征衣便已仰屋興
嗟掩觴下泣政以東門饗樂祇令愁辛北淮種橘徒增酸
苦燕禽望闕非有意於菰梁胡馬蕭風復何情於閑棧聯
平原之第方且未期歸洛陽之興尙稽待歲靜言思之痛
慨而已足下揚州連錫赤野明珠逸藻霞蒸雄聲雷動白
羽在拈鉞穿合鋪之犀黃鍾灑光響叶金門之竹凡夫青
龍調厯元武兵鈐北平侯之九章陰通成之五射以及義
文頡畫籀篆王分太甲在昔之篇岐鼓琅臺之刻靡不拂
景高駸關雩獨照豈直厭次待詔徒陳文史扶風孝廉無
慚爾雅僕家世傳經弱年嗜學編蒲輯簡有慕長君翰勳

墨績懼譏曹植而比年坎壈瑣尾關河成都閉戶乏深湛
之思汝南擘轡虛激清之志祇以平子怨曲文通恨篇自
古離憂多傳詞賦聊因暇日屬意斯文顰睂自憐敝帚獨
享亦如魚勞噉沫樹肅號秋蜀靈激楚終慚阿閣之喈素
女悲絲非合雲和之韻乃蒙獎借遠檄蕪文欲使蠹蟻埴
於泰山集牛涔於北海但鄭卿縞帶尙未先施衛風桃李
未由相報賡嚶鳴於幽谷亦求友聲瞻茹蘆於在阪豈忘
我卽踴躍旃頡載矜瓊瑤計達此書當已春莫惟善節眠
食勤懋崇名書不盡言略陳情緒

遊牛頭山記

西安城南三十里有牛頭山焉重巖抗屏曲澗交綺繡互
太乙邇迤斜川誠神皋之靈區秦里之幽境也布政朱公
以春闈暇日汎招賓僚時則萍風始和穀雨已過天光登

跼於扶桑明星韜暫於楊柳曙霞藻野宿露溢渠轂轉姓
雷蓋飛晝霧行未禺中已抵山麓土硜蛇蟠巖磴雁列古
剎紺宇矯出天外門接雲窟牖通誰巢枯僧擘羅梵鍾度
谷玉女香繞鐙王月澂魚鱗瓦姓惟見金黛叫甲松古純
成龍蛇怪禽五色禮陀羅之幢迷蜺兩三塗天人之粉鷺
闕盤鬱花光陰陽鹿宮觚棱紅采上下牆靡跳露拂未尼
之日珠縱檜嘯風汜氍華之貝葉絮景積雪三千散其寶
旒桐華稠星五百飛其佛乳于是旁躋龍嶺斜開虹疏池
壁半青野鏡一碧翠羽匝樹雌霓飲泉水氣抱岸結爲絳
衣日華灼波陵此赭景陂麥翻浪則浮雲凝舟后路升雲
則游騎若鳥寺南數武叢祠背山訪開元之舊間捐少陵
之遺象廢檻薪橫長廓櫛陟藤陰上牆落蘚失翠野疏蒸
午階墀盡黃離離落英則蘭若春杳沈沈劫灰則元石省

裴俯仰此地鴻固故原御宿通其前曲江經其後一朝塵
飛萬古炯暝池臺傾夷歌舞委歇葢滔滔者左逝之川暉
暉者右馳之日不知灞上金狄已更陸沈長樂鍾虞駢蹟
榛莽昔人所爲過雍門而歎喑望平原而心驚也夫鄴下
賓客不忌南皮之遊江東詞人有感山陰之會誠以代謝
殊時今昔同視趨趨斯世已鮮晤言悠悠千載同此面目
車馬一去秋艸而已故次而記之預斯遊者某某凡十一
人時嘉慶十有七年三月也

林太孺人誄

維嘉慶十有四年夏六月辛亥陸君繼輅生母林太孺人
卒嗚呼哀哉風樹急韻春陽逝陰浚都泉咽灰琯霜侵胡
云不榮彤華飛煒胡云不傷寒曜戢暑椒焚逾烈膏肓猶
芬無百歲之樹櫃有千秋之貞珉託鍾萬以誄德冀華表

之歸魂其辭曰

猗與節母坤輿粹鍾旣稱女師亦曰禮宗生丁不辰弱質
孤露飄急頽巢雷驚破柱其英寶醴采采琅玕璿靈閼根
珠池隱源繫維寡姑相依以養餘喘踰嬖心棘中愴分涓
沱汜殷旦參畱鄭徵蘭姑遠籓泉邱珩璫其節統備其儀
炎海飛符左右罄宜三十一年備嬪君子維凶維嘉百禮
迭紀北海之座東山之堂鶴蓋飛鸞蜺星錯觴秋刈葵足
春抽韭心冰斯寒澗煙沈夕陰雲封寢巖風勁斂節嗟我
所天遽遘閔尼暉暉日月西馳復迴滔滔江流東注終歸
如何九幽曾不相竝如何三復曾不相應祀辭郊弔黔正
衾哀泣澤滂腹元靈鮮葩摩笄匪貞傳楹斯淑爰謀覆翼
爰矜煦育晨禽膠喈母誠振衣兒就外傳朝曦未晞秋蛩
悉宰母勛緯績兒侍宵讀殘月欲黑新穰一束爲兒易滄

短筇三尺候兒倚門兒躬清脩溫以笑語兒流佻情惕以
夏楚兒豈不愛先澤是劬兒跼怖泣擲杖而吁陵陰律蘇
賈魄規耀喬貞翠崧裝葉四照光光喆嗣刷羽 皇闈日
下名遊有煒其輝母更端憂裁簡作誠譽引誘機才發禍
械鍾鳴而攷虞默而安翮豐麗繳鱗潛泳淵思再可圖緘
三可復昔人之辭迺金迺玉陶宗遺璧韋幔傳經箸母懿
訓冊竹其馨伊何昊天不右聖善璇樞掩芑靈壺駛箭鏗
縣總帳非復機聲悲蘭泣露斜日空庭蟻封四結蚪松九
年述德抒哀素旒永傳嗚呼哀哉

國朝常州駢體文錄卷第二十二